

Sarajevo 17.01.2018.godina
Aner Žuljević, delegat

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA

Primljeno: 17-01-2018			
Org. jed.	Broj	Priloga	Vrijednost
02 - 02 -		2122	17

10x

n/r gospođe Lidija Bradara, predsjedavajuća

Na osnovu članova 177 i 178 Poslovnika o radu Doma naroda Parlamenta FBiH, podnosim:

AMANDMAN

ZAKON O DOPUNI ZAKONA O BUDŽETIMA U FEDERACIJI BOSNE I HERCEGOVINE

Član 1. U Zakonu o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15 i 104/16), novi član 105e. Se mijenja i glasi:

„Član 105 e.

(1) Izuzetno i isključivo u svrhu osiguranja finansiranja Grada Mostara u 2018. godini Budžet Grada Mostara, kao i Odluku o izvršenju budžeta za 2018. godinu, donijet će i biti odgovoran za njihovu provedbu gradonačelnik Grada Mostara, uz saglasnost načelnika Odjela za finansije i nekretnine Grada Mostara."

(2) Do konstituisanja novog saziva Gradskog vijeća grada Mostara, prilikom planiranja, donošenja i realizacije Budžeta iz prethodnog stava važit će slijedeća pravila:

a) Odluka o izvršenju budžeta za 2018. godinu će uključivati isključivo realizaciju stavki definisanih u okviru kodova neophodnih za normalno funkcionisanje grada i to:

611100 Bruto plaće

611200 Naknade troškova uposlenih

612100 Doprinosi poslodavca

613100 Putni troškovi

613200 Izdaci za energiju

613300 Izdaci za komunalne usluge

613400 Nabavka materijala

613500 Izdaci za usluge prevoza, goriva i registraciju vozila

613700 Izdaci za tekuće održavanje

613900 Ugovorene usluge

614100 Grantovi drugim nivoima vlasti

614200 Grantovi pojedincima

614300 Grantovi neprofitnim organizacijama

823000 Otplate kredita

b) Za realizaciju finansijskih sredstava sa koda 613300 iz tačke a) neophodno je po proceduri donošenja Budžeta prethodno donijeti i javno objaviti na internet stranici Grada Mostara Odluku o donošenju programa obavljanja komunalnih djelatnosti iz oblasti zajedničke komunalne potrošnje za period 01.01. do 31.12.2018.godine, sa mjesečnim operativnim planovima, u kojima će jasno biti utvrđeno: vrsta poslova, ukupna visina potrebnih sredstava, kao i raspored sredstava za svaku vrstu poslova, posebno i po namjenama.

c) Izvršenje prikupljenih namjenskih i donatorskih sredstava u okviru kategorije rashoda tj. glave budžeta 2." KAPITALNI IZDACI" se obustavljaju do konstituisanja novog saziva Gradskog vijeća Grada Mostara, izuzev namjenskih sredstava koje se odnose na realizaciju prethodno usvojenog i na web stranici grada Mostara objavljenog programa zaštite i spašavanja od prirodnih i drugih nesreća.

d) U cilju transparentnosti i javne kontrole utroška svih sredstava nadležna služba za finansije je dužna svaki radni dan na internet stranici Grada Mostara objavljivati izvode sa svih računa u vlasništvu Grada Mostara i iste držati dostupnima za pregled do objavljivanja Odluke o izvršenju Budžeta Grada Mostara.

e) Ovlaštenja is stava (1) prestaju osmog dana nakon utvrđenog neispunjavanja obaveze is tačke d) ovog stava.

OBRAZLOŽENJE :

Grad Mostar je jedina jedinica lokalne samouprave u kojoj se demokratski izbori ne provode u redovitim četverogodišnjim ciklusima. Ova činjenica ima za posljedicu da u Gradu Mostaru ne egzistira Gradsko vijeće pa samim tim trenutno ne postoji organ koji bi u uobičajenoj proceduri donio budžet grada i Odluku o izvršenju budžeta. Zbog toga Parlament F BiH ovim zakonom omogućava, izuzetno i isključivo u svrhu finansiranja Grada Mostara, privremeno izbjegavanje nastanka evidentne krize u funkcioniranju grada. Ovakav Budžet za 2018.godinu omogućava izvršavanje obaveza Grada Mostara prema javnoj potrošnji, ali i uvodi obavezu svim institucijama i parlamentarnim akterima da konačno iznađu rješenje za održavanje demokratskih izbora u Mostaru.

Članom 1., iza postojećeg člana 105 d. ,koji je bio temporalnog karaktera i kojim se regulisalo donošenje budžeta Grada Mostara za 2017.godinu, dodaje se novi član kojim se reguliše pitanje finansiranja Grada Mostara u 2018. godini. Ovom odredbom daje se ovlaštenje gradonačelniku Grada Mostara da uz saglasnost načelnika Odjela za finansije i nekretnine, donese Budžet Grada Mostara za 2018. Godinu uz propisana ograničenja kojim se rashodovna strana budžeta ograničava samo na one troškove koji su neophodni za nesmetano funkcioniranje Grada.

Amir Džević